

*Primièr prèmi licèu
Ensenhament de Lengua Viva*

Umans

Un camp de batèsta
Dins l'ivèrn silenciós
Lo camp es fangós
I a de còsses sus la tèrra

I a dos òmes joves
Un soldat francés
Un soldat alemand
Cadun dins son camp

Lo soldat francés fòra la trencada
Lo soldat alemand que se sarra
I a de còsses sus la tèrra enfangada

Ara pausan las armas
Marchan un cap a l'autre
Dins la granda patz.



Segond prèmi licèu
Ensenhament de Lengua Viva

VIURE

Partir en mar
Per aprene la solesa

Viatjar a través Austràlia
Per costejar lo solelh

Descubrir lo desèrt
Ressentir lo buf del vent

Se jaire
Per observar las estèlas

VIURE

*Floriane CADOT-MELA, 1^{ra},
Licèu H. IV, Besièrs, 34*

Tresen prèmi licèu
Ensenhament de Lengua Viva

Lampedusa



*Robin DUMONT, 2^{nda},
Licèu Clémenceau, Montpelhièr, 34*

Per desfugir la guèrra
Anèri en Euròpa
Per desfugir la guèrra
Atraversèri la Mediterranèa
Prenquèri una barca
Erèm fòrça erèm tròp
Mas arribèrem al pòrt

Somiavi d'espaci
Demòri dins una gàbia
Somiavi d'una iscla blanca
Vèsi pas que de negres
Tan negre coma ma pèl
E tan coma es la vida



Primièr prèmi collègi
Cursus Lengua Regionala-Bilingue

Un soldat

Lèu partirà
Lo potoneji un darrièr còp
E li disi « mèfi »
Sabi,
Sabi que se'n va per totjorn
Que tornarà pas jamai
E mai s'es pas amb ieu
Serà ailà, dins un país, un territòri,
Un trauc, jos tèrra ...

Son d'òmes,
Enemies
Sens se conèisser,
Comunican per grenadas, per fusilhs, per canons.


Infèrn,
Infèrn vertadièr.
Las trencadas.



Chloé RAMBAL, 4^{èna}
Collègi del Salagó, Clarmont d'Erau, 34

*Segond prèmi collègi
Cursus Lengua Regionala-Bilingue*

*Flora DESCOUENS, 4^{èna}
Collègi del Salagó, Clarmont d'Erau, 34*



Monde caluc !

Entre las parets
D'idèas, d'opinions
Un gredon a la man
De jòia dins lo còr
E de rires que tindan.

De gents comol d'espèr
D'ideals dins lo cap
De vam dins lo còs
De pagina mirgalhadas
D'energia, ne mancan pas jamai.

Un matin inocent
De gents
De cridas, de larmas
De sang
Los gredons tomban
De còsses...
Mòrts...


*Tresen prèmi collègi
Cursus Lengua Regionala-Bilingue*

Ma bula

Aimi pas lo bruch,
Quora n'i a tròp en classa
Me vòli levar e cridar.
Alara per pas ausir de bruch,
Me crèi mon espaci, mon monde.
Dins mon monde, entendi pas qu'un bruch,
La mar.
La mar m'apasima.
Mas pòdi pas demorar aquí tota ma vida
Quora la campana pica,
Ma bula espeta
E devi afrontar lo monde tan ostil.

*Lisa ECHELARD, 3^{èna}
Collègi del Salagó, Clarmont d'Erau, 34*

*Primièr prèmi collègi
Cursus Bi-Lengas*



*Marion BOUNIOL, 5^{èna}
Collègi M. Pierrel, Maruèjols, 48*

*Segond prèmi collègi
Cursus Bi-Lengas*

Sòrre

An mandat ma sòrre sus un autre camin,
Voliá pas se metre sus la dralha.
Paire-grand arribava de li parlar,
Voliá egalar sas idòlas.

I aviá un autre camin per ela,
Mas aiçò foguèt empachat.
Ela podiá faire son camin,
Mas eles an volgut la faire cambiar.

La vida es justa ? Perqué ?
Podèm jamai faire çò que volèm.
Ela èra en plors.
Mas ela, l'a trobat... SON CAMIN

*Claire SEBELON, 6^{èna},
Collègi T. Monod, Clarensac, 30*

Tresen prèmi collègi

Cursus Bi-Lengas

**Vilatge del Larzac
Dubèrt als quatre vents,
Vilatge del Larzac
Caufat pel solelh roge, jaune.**

**Los ostals son de pèiras,
Los ostals son pegats,
Grises, protegits per las lausas,**

**Fenestrons per melhor s'aparar,
Fenestrons per melhor gardar la calor.
Calor umana
De las gents que se recampan.**

**Lo Larzac es una montanha.
Lo vilatge es silenci.
Los ostals,
Los fenestrons.**



*Perrine BOUNIOL 5^{èna}
Collègi M. Pierrel, Maruèjols, 48*

Primièr prèmi collègi
Ensenhament de Lengua Viva

L'odor de la prima

Es lo temps de las flors salvatjas
De l'abajon e de l'amora
Sentir l'odor de la lavanda
Se virar cap al camp d'aur
E remirar
Lo cèl esbleugissent.



Alix NICOLAS 3^{èna}
Collègi C. Royer, Montpelhièr, 34

Segond prèmi collègi
Ex-aequo
Ensenhament de Lengua Viva

Lo Larzac, un país perdut,
Un platèu desertic e caput,
Poblat de becadassas, cabiròl,
Singulars que cren tan pas lo dòl.

Lo país de las fedas,
Lo sòl de las cardabèlas,
Las tèrras de las pèiras,
Rufas coma las revòltas.

Lo cèl de nèu e de freg
Lo país sens solelh,
Quand ven l'ivèrn.

Lo cèl de fuòc e de calorassa,
Lo país sens freg,
Quand ven l'estiu.

Lo Larzac, país de las trèvas
Que se desplaçan en carreta

Dins las dralhas
entre los jardins e las lavonhas.

Vianney Cournac, 3^{èna}
Collègi M. Pierrel, Maruèjols, 48

Segond prèmi collègi
Ex-aequo
Ensenhament de Lengua Viva

PAÍS

Ieu sus mon gran de ris blanc
me passeji dins mon país

Chaimae HAJII 4èna
Collègi J. Vilar, St Gèli, 30

Ieu sus mon gran de ris blanc
vau de Bordèu a Niça e tòrni montar a Lemòtges

Ieu sus mon gran ris negre
vau a Marselha per sa petanca e son alhòli

Ieu sus mon gran de ris blanc
vau a Sant Gèli per sas corsas camarguecas

E ieu fidèl a mas tradicions
vau conquistar
OCCITANIA !



Tresen prèmi collègi
Ensenhament de Lengua Viva

Sul plan de l'uòu

Sul plan de l'uòu,
Que las tres Gràcias aparan
Se pòt daissar encantar
Per la musica bauja

Sul plan de l'uòu
Se pòt ausir
De cançons joiosas
E tanben
Lo bruch de l'aiga
Mesclat a la musica
De las voses, de las lengas
Que restontisson
Dins la clartat blanca
Que tot i lusís

David KIM, 5èna,
Collègi Clémenceau, Montpelhièr, 34



Prèmi escòla

Cursus Bilingue

Personatges desconeguts

Èran partits i a plan de lunas

Per dessús los còls e la bruma

S'enfonçan totjorn mai, al mai prigond de las dunas,


Cap al pic celèst que ne parlava la costuma

Un Dieu los aviá faches, caldriá qu'assuman?

Perqué lor existéncia ?

Perqué tan d'infortuna ?

Quina rason a lor vida ? Foguèt oportuna ?



Corantin SEIGNEURY, CM2
Calandreta La granhòta, Narbona, 11

Prèmi especial escòla

Ensenhament de Lengua Viva

Rescontres

Dins un cafè, ai rescontrat Enriç
Que factor es son mestièr.
Li demandi ont es mon corrièr ?
Me ditz d'anar veire sul garric !

Dins lo taxi, ai rescontrat Marion
Que cremièra es son mestièr.
Li demandi ont es mon burre ?
Me ditz d'anar veire jos la girafa del zò !

Sus un banc, ai rescontrat Carlòs
Que fustièr es son mestièr.
Li demandi ont son mos mòbles ?
Me ditz d'anar veire dins lo bòsc !

A l'intermercat, ai rescontrat Asmar
Que musician es son mestièr.
Li demandi ont es ma guitarra ?
Me ditz al cap del pomièr !

A la bibliotèca, ai rescontrat Joan
Que fornièr es son mestièr.
Li demandi ont es mon pan ?
Me ditz sul castanhièr !

Al mercat, ai rescontrat Victòr
Que lachièr es son mestièr.
Li demandi ont es mon formatge ?
Me ditz dins lo bèc del còrb !

Dins lo pargue, ai rescontrat Ernest
Que regent es son mestièr.
Li demandi ont es mon libre ?
Me ditz dins la forèst.

Sul pòrt, ai rescontrat Matèu
Que carnsaladièr es son mestièr.
Li demandi de me balhar un pastèt ?
Me ditz dins lo batèu ...
Que partís per lo país dels pantaissses !

Classa de CM1 de l'escòla de La Canorga, 48



An participat las classes ¶

De las escòlas de La Canorga-CM1, Narbona-Calandreta-La Granhòta-CM1-CM2 ¶

Dels collègis d' Aigas- Mòrtas, Brinhon, Cessenon, Clarensac, Clarmont d'Erau, Lo Crès, Maruèjols, Montpelhièr-Clémenceau, Montpelhièr-Joffre, Montpelhièr-C. Royer, St-Inhan, St-Genies-de-Malgoires, St-Gèll ¶

Dels licèus de Besièrs-Henri-IV, Lodèva, Montpelhièr-Clémenceau, Montpelhièr-Joffre ¶

Amb los professors B. Bringué, C. Causse, M-C. Dufour, L. Fauveaux, M. Fraisse, C. Gallizia, L. Hernandez, C. Lechène, C. Maury, M-N. Meillet, C. Paul, L. Privat, L. Revest ¶

Illustracions :

p. 3 Adrien Ouvrier CARNETS ET CROQUIS DE LA GUERRE 1914-1918, R. Lauxerois, éd. Somogy, 2007.

p. 4 Dessin de une du quotidien belge Le Soir signé Pierre Kroll © Pierre Kroll - Le Soir